

## Prozäss

## Prozäss

Text und Musik  
Jacob Stüchelberger

Tango

Das si mer Kol - le - ge si pum - pe di  
 a und zah - le nie zrugg ja das ken - ne mer  
 ja drum wänd' di falls jung bisch und gsund bisch und  
 froh a ü - si Ju - stiz und das geit e - so - - -

1. Das si mer Kollege, si pumpe di a und zahle nie zrugg – ja das kenne mer ja drum wänd' di falls jung bisch und gsund bisch und froh a üsi Justiz - und das geit eso:
2. Reichsch eifach ds Betrybigsbegähre zersch y bis ds Amt reagiert isch e Wuche verby dr ander erhäbt de druf innert zäh Tag uf e Zahligsbefähl dr Rächtsvorschlag
3. Und um dä z'besytige leitisch de d'Chlag bim Fridesgricht y - bisch wider am Haag du fragsch di verergret: s'isch eifach Fluech gopferdori was nützt sone Sühneversuech?
4. Verlangsch de halt d'Wysig nach Monet und Tag und de sitzisch häre begründisch di Chlag Syten um Syte - ds Prozässrächt wotts so das duret sy Zyt - zäh Wücheli scho
5. Wenn Glück hesch nimmt ds Gricht dyni Chlag jitz a d'Hand dr Früelig dr Summer dr Herbscht zieht dür ds Land uf d'Antwort chasch warte - hesch plötzlech entdeckt: dym Gägner wärde geng d'Fristen erstreckt
6. Und ändlech chunnt d'Antwort - druf hesch repliziert de wirts wider Pffingste bis dä dupliziert derna wär ds Behauptigsverfahre verby jitz geits a ds Bewyse - Gott bhüet di derby
7. Im Louf vo de Jahr wärde Züge befragt und ab und zue wird e Verhandlig veragt de hänkts der mal us - hesch statt eme Guess am Richter e Dummi - s'git sofort e Buess
8. Druf chöme d'Experte die nämes genau und d'Jährl verstryche - dys Haar das wird grau doch einisch ja einisch chunnt ds Urteil - drin steit dr ander müess zahle - das hesch ja geng gseit
9. Hesch gmeint jitz sygs düre? - das stimmt nid so ganz dr ander mach wyter - bir zwöiten Instanz und alles faht wider vo ganz vomen a jitz nume nid jufle - Geduld mues me ha
10. Nach weis nümm wi lang da landet di Gschicht irgend emal de bim overschte Gricht und normal faht alles vo ganz vomen a bis das düren isch bisch e gschlissene Mai
11. Doch nid emal jitz isch dä Händel verby pfände muesch ou no das mues eso sy ds Verwärtigbegähre chunnt z'lescht obedruf und ändlech ja ändlech - dr ander git uf
12. Dä chunnt zu dir hei seit: da hesch dyni Stütz - doch du hockisch da i dym Grossvatersitz und brummlich: potz tuusig was isch ächt mit däm? das Gält ghört nid mir! - jitz bisch äbe pläm